

ORDENANZA FISCAL NUMERO T5

Taxa pola utilización privativa ou aproveitamento especial do subsolo, solo e voo do dominio público local.

Artigo 1º. Concepto e fundamento legal. Feito imponible.

De conformidade co previsto no artigo 57, en relación co artigo 20.1.A), ambolos dous do Real Decreto Lexislativo 2/2004 que refunde o texto da Lei 39/1988, do 28 de Decembro, reguladora das Facendas Locais, este Concello establece a taxa por ocupación do subsolo, solo, e voo das vías públicas e outros terreos do dominio público local, que se rexirá pola presente Ordenanza.

Artigo 2º. Feito imponible.

Constitue o feito imponible da taxa a utilización privativa ou aproveitamento especial do dominio público local con tendidos, encanamentos e galerías para as conduccións de enerxía eléctrica, auga, gas ou calquera outro fluido incluídos os postes para liñas, cables, palomillas, caixas de amarre, de distribución ou de rexistro, transformadores, rieles, básculas, aparellos para a venda automática e outros análogos que se establezan sobre vías públicas ou outros terreos de dominio público local ou voen sobre os mesmos.

Artigo 3º. Suxeito pasivo e responsables da taxa.

1. Son suxeitos pasivos da taxa regulada nesta Ordenanza, en concepto de contribuíntes, as persoas físicas e xurídicas, así como as entidades a que se refire o artigo 35.4 da Lei Xeral Tributaria, que disfruten, utilicen ou aproveiten especialmente o dominio público local en beneficio particular mediante calquera dos elementos descritos no artigo 2º desta Ordenanza, obtivesen ou non a concesión, autorización ou licenzia municipal preceptiva.
2. Serán responsables da debida tributaria xunto ós suxeitos pasivos ou debedores principais:
 - a) Solidariamente as persoas a que se refiren os artigos 41 e 42 da Lei Xeral Tributaria
 - b) Subsidiariamente as persoas a que se refire o artigo 43 da Lei Xeral Tributaria.

Artigo 4º. Beneficios fiscais.

1. De conformidade co disposto no artigo 9 do Real Decreto Lexislativo 2/2004, non se recoñece exención, bonificación nin beneficio tributario algún, sagás os que sexan consecuencia do establecido nos Tratados ou Acordos Internacionais ou veñan previstos nas normas con rango de Lei.
2. O Estado e a Comunidade Autónoma de Galicia non estarán obrigados ó pagamento desta taxa polos aproveitamentos inherentes ós servizos públicos de comunicacións que exploten directamente e por todos os que interesen á seguridade cidadá ou a defensa nacional.

Artigo 5º. Cota tributaria.

1. A cota tributaria da taxa regulada nesta Ordenanza será a resultante de aplicar as tarifas contidas no apartado 4 seguinte.
2. Non obstante o anterior, cando a utilización privativa ou aproveitamento especial o sexa en favor das empresas explotadoras de servizos de suministros que afecten a

xeneralidade ou a unha parte importante do vecindario, o importe consistirá, en todo caso e sen excepción algunha, no 1,5 por 100 dos ingresos brutos procedentes da facturación que obteñan anualmente en cada termo municipal as referidas empresas.

3. Igualmente, no caso de que a utilización privativa ou o aproveitamento especial se adxudique por procedementos de licitación pública o importe da taxa virá determinada polo valor económico da proposición sobre a que recaiga a concesión, autorización ou adxudicación.
4. As tarifas da taxa serán as seguintes:

— Tarifa Primeira. Pola utilización privativa ou aproveitamento especial do dominio público local con tendidos, encanamentos e galerías para as conduccións de enerxía eléctrica, auga, gas ou calquera outro fluido, e transformadores colocados en quioscos ou casetas, 1,00 euros por cada metro cadrado de ocupación, ou fracción, e día.

— Tarifa Segunda. Pola utilización privativa ou aproveitamento especial do dominio público local con postes para liñas, cables, palomillas, caixas de amarre, de distribución ou de rexistro, transformadores (excluídos os que tributen pola tarifa primeira), rieles ou outros elementos análogos, 1,50 euros por cada elemento e día.

— Tarifa Terceira. Básculas e aparellos ou máquinas de venda de expedición automática de calquera produto ou servizo, 0,30 euros por metro cadrado, ou fracción, e día.

— Tarifa Cuarta. Aparatos surtidores de gasolina e análogos, tributarán:

- a) Ocupación do solo, 50,00 euros por metro cadrado, ou fracción, ó trimestre.
- b) Ocupación do subsolo con depósitos, 20,00 euros por metro cúbico ou fracción, ó trimestre. A tal efecto o cubicaxe realizarase con inclusión dos espesores con muros de contención, soleiras e lousas.

— Tarifa Quinta. Reserva especial da vía pública ou de terreos de uso público para as prácticas de autoescolas ou similares, 8,00 euros por metro cadrado ou fracción e mes.

— Tarifa Sexta. Pola utilización privativa ou aproveitamento especial do dominio público local con caixeiros automáticos, por unidade 570,00 euros anuais.

— Tarifa Séptima. Pola utilización privativa ou aproveitamento especial do dominio público local con valos publicitarios. Rótulos, cartéis, sinais ou calquera outra instalación similar, 30,00 euros, metro cuadrado/ano.

Artigo 6º. Normas de xestión.

1. A taxa regulada por esta Ordenanza xestionarase no réximen de autoliquidación para as primeiras utilizacións ou aproveitamentos; e por Padrón para as autorizadas por prazo superior a un ano.
2. Non obstante o anterior, no suposto contemplado no artigo 5º.2 desta Ordenanza a liquidación provisional da taxa realizarase polo Concello de forma trimestral constituindo a base imponible da declaración-liquidación que o suxeito pasivo terá que presentar no Rexistro Xeral da Entidade, sen prexuízo de canto se establece no apartado terceiro, dentro dos quince primeiros días do mes inmediato seguinte ó remate do trimestre a liquidar, comprensiva dos ingresos brutos de facturación.

3. Constitúese como obriga tributaria formal para o suxeito pasivo a declaración de alta, variación e baixa da utilización ou aproveitamento, ou de calquera dos seus elementos. Así mesmo, constitúese como obriga tributaria formal das empresas explotadoras dos servizos de subministración que afecten á xeneralidade ou a unha parte importante do vecindario, a remisión ó Concello do listado clasificado de tarifas donde conste, para cada unha delas, os conceptos de facturación correspondentes ás subministracións realizadas no termo municipal de Ribadeo.
4. A exacción da taxa compatibilizaráse coa que se derive da prestación de servizos ou a realización de actividades reguladas noutras Ordenanzas, co imposto sobre Construcións, Instalacións e obras, así como coa obriga de constituir depósito ou garantía por utilizacións e obras, de constituir depósito ou garantía por utilizacións privativas ou aproveitamentos especiais nos que se estime que sexa posible a destrución ou deterioro do dominio público, nos termos e condicións regulados na ordenanza que, segundo o tipo de utilización ou aproveitamento, sexa de aplicación.

Artigo 7º. Dereito á percepción da taxa.

A taxa regulada por esta Ordenanza tera dereito a percibirse no momento da solicitude da licenza ou autorización da utilización privativa ou o aproveitamento especial constitutivo do seu feito imponible, agás naqueles supostos nos que dita autorización sexa por prazo superior ó ano, neste caso o dereito á percepción da taxa produciráse o 1º de Xaneiro de cada exercicio.

Artigo 8º. Infraccións e defraudacións.

Cualificaráse como infracción tributaria simple ó incumprimento das obrigas tributarias formais a que se refire o artigo 4º desta Ordenanza. Tales infraccións serán sancionadas cunha multa de 6,01 a 901,52 euros por cada infracción simple cometida. Cualifícase como infracción tributaria simple non poñer a disposición dos Servizos Técnicos ou da Policía Local o xustificante ou documento de autorización cando lle sexa requerido nas funcións de control, inspección e vixilancia.

Artigo 9º. Outras normas de aplicación.

1. As persoas ou entidades interesadas na concesión da utilización ou aproveitamento gravados segundo o disposto nesta Ordenanza deberán solicitar previamente a correspondente licenza, con tres días hábiles de antelación, realizar o depósito previo da taxa e formular declaración na que conste a superficie afectada e as datas inicial e final de dita ocupación solicitada. No suposto de actuacións por emerxencia ou actuacións urxentes por motivos de seguridade ou salubridade pública deberá procederse a presentar a solicitude tan pronto como sexa posible, xunto con un plano estimado de superficie afectada e prazo estimado de ocupación. Unha vez realizadas as labores preventivas procederase á subsanación da solicitude e xiraranse as liquidacións complementarias que procedan. A notificación poderá retirarse persoalmente nas oficinas municipais ata o día hábil inmediato anterior á data declarada de inicio de ocupación, en caso contrario notificarase polo servizo de Correos.
2. Os servizos técnicos do Concello e a Policía Local comprobarán e investigarán as declaracións formuladas polos interesados, concedéndose as autorizacións ou notificando as diferencias ou deficiencias observadas, non concedéndose neste último caso as autorizacións ata a súa subsanación e realizados os ingresos complementarios que

procedan. No suposto de detectarse ocupación máis aló da data final declarada, considerarase unha ocupación nova sen autorización.

3. Non se consentirá a ocupación da vía pública ata que se teña aboado a taxa e se teña obtido a correspondente licencia polos interesados. O incumprimento deste mandato poderá dar lugar á non concesión da licencia, sen perxuízo do pago da taxa e das sancións e recargos que procedan.
4. A ocupación autorizada non poderá obstaculizar o paso a espazos de uso común (xardíns, áreas peatonais, aparcamentos, accesos a garaxes, accesos a inmobles) ou o tránsito de vehículos e peóns salvo no que fora expresamente autorizado.
5. Deberán quedar libres para a súa inmediata utilización, se fose necesario, os elementos de servizos públicos tales como bocas de rego, rexistros de sumidoiros, saídas de emerxencia, arquetas de rexistro de servizos e análogos, así como o mobiliario urbán de uso e servizos, salvo que expresamente se autorizara o contrario e baixo o estrictamente autorizado.

Disposición derradeira. Entrada en vigor e comezo de aplicación da Ordenanza.

A presente Ordenanza entrará en vigor ó día seguinte ó da súa publicación no “Boletín Oficial da Provincia de Lugo” e comezará a súa aplicación na mesma data.

DILIXENCIA: a presente Ordenanza foi modificada no seu artigo 5 por acordo plenario de 19 de xaneiro de 2009 e publicada no BOP número 29 de 5 de febreiro de 2009

DILIXENCIA: a presente Ordenanza foi modificada nos seus artigos 5, 8 e 9 por acordo plenario de 9 de novembro de 2011 e publicada no BOP número 299 de 31 de decembro de 2011

DILIXENCIA: advertido erro na publicación do 31 de decembro de 2011 o mesmo é correxido no seu artigo 7 para adaptación ao presente texto e publicado no BOP número 51 de 2 de marzo de 2012